

## Peserta Akademik Empower ECER Cemerlang Dirai



Bera, 15 April – Seramai 200 ibu bapa dan pelajar dari beberapa buah sekolah sekitar daerah Bera hadir bagi meraikan pelajar cemerlang akademik bagi tahun 2015 anjuran anjuran UMP Advanced Education (UAE) dengan kerjasama Majlis Pembangunan Wilayah Ekonomi Pantai Timur (ECERDC) dan Persatuan Wanita UMP (Matahari).

Program ini turut diserikan dengan kehadiran Ahli Dewan Undangan Negeri Guai, Dato' Norol Azali Sulaiman dan Pengurus Besar ECERDC, Zulkifkifli Ya'acob yang berlangsung di Dewan Orang Ramai Padang Luas, Bera baru-baru ini.

Dalam ucapan, Dato' Norol Azali berbangga dengan pencapaian seramai 54 orang pelajar program Latihan Akademik empower ECER Mahkota Bera yang telah mendapat keputusan cemerlang dalam Ujian Penilaian Sekolah Rendah (UPSR), Pentaksiran Tingkatan 3 (PT3) dan Sijil Pelajaran Malaysia (SPM) pada tahun lepas.



"Program empower ECER yang dilaksanakan oleh ECERDC di Wilayah Pantai Timur (ECER) ini dapat merapatkan jurang perbezaan antara ekonomi yang wujud antara masyarakat luar bandar dan bandar selaras dengan Model Ekonomi Baru (MEB) dan program Transformasi Ekonomi (ETP) negara," katanya.

Bagi Andnessa a/p Woon Siew Poh yang mendapat keputusan 5A dalam UPSR merasakan kepayahan hidup tidak menghalang beliau berusaha gigih untuk mencapai kejayaan dalam pendidikan.



Beliau yang merupakan anak penoreh getah dari Kampung Kuin Pos Iskandar, Sri Bera ini ingin membuktikan bahawa anak seorang penoreh getah juga boleh cemerlang dalam akademik. Mengimbas kenangan persekolahannya, beliau memulakan perjalanan daripada rumah ke sekolah yang mengambil masa 45 minit dengan berjalan kaki menyeberangi sungai di musim kemarau ini.

Selain itu, dengan menggunakan "generator" bagi mendapatkan cahaya pada waktu malam untuk belajar tidak mematahkan semangatnya untuk mengulangkaji pelajaran. Beliau bercita-cita ingin menjadi seorang akauntan yang berjaya pada masa akan datang dan berhasrat mengubah nasib keluarga.

Empower ECER juga memfokuskan kepada Program Latihan Kemahiran Keusahawanan untuk orang dewasa dan Program Latihan Akademik untuk para pelajar yang akan menduduki peperiksaan awam utama di ECER.



***Berita disediakan oleh Norhidayah Mohamed dari Bahagian Komunikasi Korporat.***

Posted By : SITI SARAH BINTI MOHAMAD RAJIMI Date Posted : 22-04-2016, 10:06:18